ADVERTIS-

SEMENT AV CHI-

est requis en la seignée, pris & retiré de la Therapeutique de monsieur Fernelle.



Chez Michel Iulien à l'enfeigne de Li pome de Pin, au cloz Bruneau deuant S.Hylaire. 1 5 6 3.





A DVERTISSEMENT AV CHIRVRGIEN DE CE QVI est requis en la seignée, pris & retiré de la Therapeutique de monsseur Fernelle.

B MALADE à qui on veult rirer du sang par phlebotomie doit estre couché, & en la plus grande tranquillité qu'il est possible, tant de corps, que

d'esprit, principalement quand les vertus sont debiles, ou quand il y a crainte ou defaillance de cœur. Car essant debout, ou assis la faculté animale qui soustient le corps ahenne, & les intestins aussi: les entrailles pendentes des parties d'autour du cœur sont empeschement & violence à la faculté vitale & naturelle. La partie qui fault inciser doit

pencher, & estre courbée contre bas & le cours du sang droict & facile de celle part, que nous proposons beaucoup vuider. Il faut frotter les membres, ou gift la veine qu'on veult ouurir, tant qu'ils feschauffent, & bien estroitement lier tout pres le lieu ou on veult mettre la lancette, affin que par le sang attiré la veine plus groffe se manifeste, S'il aduier que la veine soit tremblante & non permanéte en vn lieu, mais se retire au coup de la lancette, ou reialisse de sa place, la fault lier aussi par bas. A ceulx qui ont la peau espoisse & crasseuse, & à ceulx qui ont les veines augustes & estroictes, ou profondes, cachées de beaucoup de greffe, ou de chair par dessus, fault mettre vn lien beaucoup plus estroictement serré, qu'à ceulx qui ont coffitution contraire. Metz en eaue chaulde les petites veines des pieds & des mains:par ce qu'elles ne semplissent point assez par liens. Ceste caue chaulde faict non seulement rempli re les veines, mais aussi esmeut le sang à couler plus fort. Si la veine ne se manifeste par ce moyen la fault chercher diligemment en son lieu accoustumé par l'attou-

l'attouchement des doigts, tant que par la fluxion & cours du fang sa place soit trouuée, laquelle signée & marquée le Chirurgien industrieux ouure de sa lancette:mais qu'il se donne gardevne fois, deux fois, de prendre quelque place de vent esleuée, de prendre vn artere ou tendon, au lieu de la veine. Car bien sou uent quelque lieu s'esseue en maniere de veine à cause du lien par trop serré. Quelquefois l'artere liée & pressée pert son mouuement & se represente pour la veine. Le Chirurgien d'vne main asseurée, de veuë claire & subtile prendra sa lancette du bout des doigts, & ne mettera de la poincte hors non plus qu'il suffira pour peneter iusques la ou sera necessité: de l'autre main affermira le membre, & du poulce il affurera la veine: puis tout bellement & doulcement poulfera sa lancette au lieu marqué, si auant que besoing en sera. L'incisson des veines aux ioinctures en la pliure du bras, ou au iarret, faicte en droicte ligne se reprent plus tard & plus difficilement: par ce que les labies de la place baallent & fouurent par le mouuement de la ioin&ure : & ne fault attenter incision de ceste sorte sinon lors qu'il est besoing de recommencer. En aultres lieux qu'aux ioinctures, comme en la teste, aux mains, ou aux pieds, quelz conques apparoissent couppées droict se recloient, & reduisent plustost en cicatrice: par ce que les labies se tiennent tousiours l'vn contre l'autre. Soubs l'interieure que nons appelons Ba filique coustumierement est cachée l'artere compaigne à la veine, & foubs la Mediane le nerf. Et le plus souuent les tendons de quelques muscles, sont esten duz par dessoubs toutes les deux. La Cephalique est difficile à trouuer, mais elle est la plus seure de toutes, & moins dangereuse que le Chirurgien ne heurte con tre tendon, nerf, ou artere. Du nerf ou tendon picqué se fait bien grande douleur, estonnement, resolution, & conuulsion du bras, auec enflure. On estanche le sang de l'artere auec grande difficulté: & de la grande effusion de sang enfuit diminution & debilitation de forces. Qui plus est l'artere coupée ne se peult resondre ne guarir, & à la fin la partie se corrompt par gangrene. La douleur vehevehemente & la consulfion qui fensuit, auec tumeur, donne à cognoistre que le nerf,ou le tendon est picqué. Si tu es en doute, & soubsonnes telle chose, te fauldra empescher que la playe ne se reprenne, tant que le danger de l'inflammation imminente soit hors, & ce durant le temps de deux ou trois iours. On empeschera la reprinse de la playe par fomentation d'huyle tiede. Si la douleur fappaise apres trois iours, & ne suruient rien de nouueau n'y a plus de danger de laisser reprendre la playe: Mais aultrement fault applicquer aperitifs, attractifs, & choses convenable aux nerfs picquez, comme terebinthine en adioutant quelque fois yn peu d'euforbe. Quad l'artere est ouverte il sort du sang ténu & delié fort rouge, ardent, & comme par quelque poulsement sautelant. A ce l'emplastre faict d'Aloé, Myrrhe & Encens, auec du bol d'armeine deslayez auec le blanc d'œuf, & des poils de lieure est grandement vtile. Puis on liera par dessus linges trempés en caue de roses, l'emplastre sera liée de bandes, fermement & seurement, qui ne choye de trois iours, lequel

lequel doulcement ofté il en fauldra remettre vn tout semblable. Et si dauanture l'artere ne se reprent par ce remede il la fault coupper du tout par le trauers, affin que les bouts retirez de costé & d'aultre se couurent & remplissent de chair molle. Au surplus quant à la maniere d'inciser, si le sang est espois ou gluant, comme ordinairement est le melancholique:ou la constitution du temps est froide, fauldra faire grande leuée : mais au contraire s'il est ténu, delié & aqueux, ou la temperature de l'air chaulde, fauldra faire petite ouuerture. Quand la veine sera ouverte il sera expedient de lascher la ligature de dessus; affin que le fang coule plus abondamment & librement . Si le cours du sang est tel qu'il est requis, qu'on n'y touche point, & fil est trop tardif & lasche, & que cela aduienne par faulte de la section, qu'elle soit amandée. Si pour espoisseur de sang,ou pour aultre cause: le patient doibt serrer la main bien fort & bien estroittement, les nerfs, les muscles & les costez, toussir & rendre forte voix, & la playe doibt estre irritée par fomentation d'eaue chaulde.

chaulde. Si lepatient est perturbé de crain te ou d'aultre apprehension dont le sang fluë plus laschement, fault faire intermis fion ce pendent que les forces se remetteront en vigueur par les moyens que nous dirons. Mesmes voire que le sang forte comme de raison, il est expedient de mettre le doid sus la playe vers le mylieu du cours: tant affin que nature se reface & remette en vigueur & se dissipe moins, qu'affin que le plus vilain, & le pire sang vienne du profond du corps a l'ouverture.Il fault auoir esgart à la qualité du sang, à fin qu'on l'arreste a temps oportun. L'estimation se doit faire de la necessité de la maladie & de la force du patient. En plenitude simple, pour preuenir aux maladies imminentes, il suffit d'oster la superfluité & que mediocrité foit de reste. Mais quand la maladie est ia presente, & icelle vniuerselle, come fiebures, ce ne seroit pas affez: mais si la force le peut porter, fault tirer du sang plus que insques à mediocrité. Car si le sang en mediocre quantité se pourrit quasi boullant s'ensie, & lors est fort contraire au corps, & aux forces pefant & ennuyeux. Parquoy le fault diminuer, mais non tant qu'en plenitude. Aux inflammatios des parties fault auoir esgard non seulement à la quantité, mais aussi à la mutation de couleur & de substance. Quandily a douleur vehemete, ou quelque grande inflammation aux lieux proches de la sectió, le cours du sang ne doit estre arresté auant que la douleur commence à s'apaiser, ou la couleur du sang changer. Par ce que la mutation demonstre que le sang se tire hors de la partie enflammée en laquelle est dissemblable de l'autre, ce qui fault asseurément atten dre, moyennant que l'humeur ne soit point trop fort attaché à la partie ou que la vertune defaille par trop grande euacuation. Car telles choses contraignent d'arrester le sang àheure indeue, & plustost de rechef par apres oster ce qui est de reste, quel quefois le mesme iour, quel quefois le lendemain: car il fault auoir efgard non seulement au sang qui flue, mais aussi à la force, de peur quelle ne defaille. Nous cognoissons les faillances aduenir quat le cours du sang salachit, quad la couleur de la face deuient palle, quand le patient balle, quand il s'ested, quant ses oreilles luy tintet, quand il luy vient des esblouissemens, lesquels accidens aiguét que les espritz de la vie se diminuent & que le cœur de sa chaleur destitué s'afoyblit. Auec ce le hocquet l'apetit de vomır, qui suruiennent d'vn humeur qui chet impetueusement sus l'entrée du vetricule. Toutefois la mutation du poulx est la plus certaine & moins trompeuse, lequel si de frequent, il deuient rare: ou de grand, petit: de fort, debile & obscur: d'esgal, inesgal demonstre que les vertus defailleront ou que le patient sousfrira perturbation gueres dissemblable à l'epilepfie. Parquoy fi cela suruenoit par trop grande euacuation. Il se fault arrester incontinent, de peur que si la debilité poursuyuoit ne sust cause de mort, ou ne fust vn si grand dommage qu'on ne le peust reparer. Mais si tels signes apparoissent, ou par crainte & frayeur, ou par merdication d'estomach. Il fault vn petit arrester le sang & remettre le malade en vigueur, à fin qu'incontinent apres on puisse parfaire l'euacuation. On peult ayder au patient par plusieurs manieres, en

arrousant sa face d'eau froide, en luy bail lant à odorer du vin, du vinaigre, du mus que, & choses semblables aromatiques. Le plus souuerain remede est de le coucher tout plat: lors toute peine cesse & les parties principalles se departissent l'vne à l'autre plus de chaleur & d'esprit. Et file patient ne reprent courage & vertu par ce moyen, il fault exciter le vomiffement ou par chatouillement de la gorge, ou par iniection d'huille, par ce que ceste violence chasse & poulce hors ce qui fait nuisance au cœur & a l'estomach : mais incontinent fault restaurer les facultez par vin, par ius de grenades, par espraintifs, & par medicament appelé Diamofchum & parautres choses cordiales.

De ce qu'il fault faire apres qu'on a tiré le fang.



PRES qu'on aura tiré du fang felon la grandeur de la maladie, & que la force le pouuoit porter, il fault dessier la ligatu-

re & desgorger la veine de peur, ou que la playe ne se repregne point par ce quel-

le seroit toute moite à cause du sang la groumelé, ou que ne fe fist quelque vicere & apostume. Car quelquesois n'ayat point pris garde à cela la playe s'est r'ou-uerte le huictiesme iour. Si la gresse sort dehors, ne la fault pas couper, mais remet tre dedans tout doucemet, puis nettoyer la playe & luy apliquer vne petite com-presse de linge, laquelle soit vn peu arrousee d'eau de roses ou d'eau doulce:ou bien d'huyle, si on delibere de recheftirer du sang . Fault lier ceste compresse d'une bandelette non pas trop estroictement, ny aussi de sorte quelle retire la peau, ou destordes les labies de l'vlcere. S'il y a crainte de fluxion ou d'inflammation à cause que le nerf ou le rendon soit picqué, fault appliquer vn emplastre de Cerusse & a l'enuiron vn cataplasme de Ioubarbe, morelle, plantain surnommé arnoglosson, & alurres refrigeratifz. Le malade seigné se doit coucher sus le dos & ne faire chose aucune d'exercice, & ne fault pas qu'il dorme incontinent apres la feignée. Vne heure ou deux apres, luy fault donner à manger : mais peu & d'vne viande de bon suc, laquelle propre à

biij

la profligation de la maladie incontinét fe conuertifie en nourriture, n'y a point de danger de fommeiller & dormir vn petit deux heures apres qu'il aura mangé, moyennant que les afsistans se donnent garde que le malade ne se tourne sus son bras, ou autre endroit seigné, ou qu'il ne dessie als ligature dont le sang sor tiroit, ou qu'il ne face chose dont luy en peus venir inconuenient.

